

四庫全書

集部

欽定四庫全書

集部

才調集卷八

詳校官中書臣陸湘

助教臣常循覆勘

覆校官中書臣汪師曾

校對官原任典簿臣郭祚熾

謄錄監生臣朱堦

欽定四庫全書

才調集卷七目錄

李宣古 一首

聽蜀道士琴歌

王之渙 十三首

惆悵詩

又

又

又

又

又

又

又

又

又

又

又

悼亡

岑參

四首

題苜蓿峯寄家人

玉關寄長安李主簿

逢入京使

春夢

賈曾

一首

有所思

許渾 二十首

金谷園桃花

洛陽道中

塞下曲

放猿

郊園秋日寄洛中友人

南樓春望

潁州從事西湖亭讌餞

南遊泊船江驛

題段太尉廟

寓懷

題潼關西蘭若

虞元長者永興公之後工書屬文近從軍河中

奉使宣歙因贈

凌歊臺

咸陽城西樓晚眺

姑熟官舍

凌歊臺送韋秀才

南庭夜坐貽開元禪定二道者

秋日早朝

題勤尊師歷陽山居

淮陰阻風寄楚州韋中丞

油蔚
一首

贈別營妓卿卿

張祜 六首

觀杭州柘枝

周員外出雙舞柘枝妓

觀楊媛柘枝

感王將軍柘枝妓歿

貴家郎

病宮人

來鵬 二首

宛陵送李明府罷任歸江州

清明日與友人遊玉塘莊

施肩吾 四首

夜宴曲

效古詞

山中得劉秀才京書

望夫詞

劉得仁 一首

悲老宮人

高軒 四首

步虛詞

寫懷

又

風箏

李端 一首

代棄婦答賈客

趙嘏 十一首

長安秋望

長安月夜與友生話故人

汾上宴別

曲江春望懷江南故人

自遣

新月

東望

寄歸

寒食新豐別友人

感懷

茅山道中

朱絳 一首

春女怨

姚倫 一首

感秋

劉方平 二首

秋夜泛舟

春怨

陳羽 一首

長安卧病秋夜言懷

薛能 三首

遊嘉州後溪

老圃堂

銅雀臺

李郢
一首

江上逢王將軍

薛逢
二首

開元後樂

漢武宮詞

崔塗
一首

讀庾信集

項斯 一首

蒼梧雲氣

崔尚 一首

江上書懷

李宣遠 一首

塞下作

陶翰 二首

古塞下曲

新安江林

温憲 三首

春鳩

郊居

杏花

李頻 六首

湖口送友人



送友人往太原

寄遠

鄂州頭陀寺上方

辭夏口崔尚書

古意

王駕一首

古意

于鵠三首

送客遊塞

江南曲

題美人

徐寅一首

初夏戲題

欽定四庫全書

才調集卷七

唐 韋穀 撰

李宣古一首

聽蜀道士琴歌

至道不可見正聲難得聞忽逢羽客抱綠綺西別峨眉

峰頂雲初排

闕

面躡輕響似擲細珠鳴玉上忽揮素爪

畫七絃蒼崖劈烈迸碎泉憤聲高怨聲咽屈原叫天兩

妃絕朝雉飛雙鶴離屬玉夜啼獨鶩悲吹我神飛碧霄

裏牽我心靈入秋水有如驅逐太古來邪淫辟蕩貞心
開孝為子忠為臣不獨語言能教人前弄嘯後弄嘯一
舒一慘非冬春從朝至莫聽不足相將直說瀛洲宿更
深彈罷背孤燈窗雪蕭蕭打寒竹人間豈合值仙蹤此
別多應不再逢抱琴却上瀛洲去一片白雲千萬峯

王之渙 十三首

惆悵詩

八蠶薄絮鴛鴦綺半夜佳期並枕眠鐘動紅娘喚歸去

對人勻淚拾金鈿

鶯鶯

又

李夫人病已經秋漢武看來不舉頭得所穠華銷歇盡

楚魂湘血一生休

李夫人

又

謝家池館花籠月蕭寺房廊竹颭風
半夜酒醒憑檻立
所思多在別離中

又

隋師戰艦欲亡陳國破應難保此身訣別徐郎淚如雨

鑑鸞分後屬何人

樂昌

又

七夕瓊筵隨事陳兼花連蒂共傷神蜀王殿裏三更月

不見驪山私語人

楊妃

又

夜寒春病不勝懷玉瘦花啼萬事乖薄倖檀郎斷芳信

驚嗟猶夢合歡鞋

小玉

又

嗚咽離聲管吹秋妾身今日為君休齊奴不說平生事

忍看花枝謝玉樓

綠珠

又

青絲一絡墮雲鬢金剪刀鳴不忍看持謝君王寄幽怨

可能從此住人間

楊妃

又

陳宮興廢事難期三閭空餘綠草基狎客淪亡麗華死

他年江令獨來時

麗華

又

晨肇重來路已迷
碧桃花謝武陵溪
山目斷無尋處

流水潺湲日漸西

劉阮

又

少卿降北子卿還
朔野離觴慘別顏
却到茂陵惟一慟

節旄零落鬢毛斑

蘇李

又

夢裏分明入漢宮
覺來燈背錦屏空
紫臺月落關山曉
腸斷君恩信畫工

明妃

悼亡

春來得病夏來加
深掩粧窗卧碧紗
為怯暗藏秦女扇
怕驚愁度阿香車
腰肢暗想風欺柳
粉態難忘露洗花
今日青門葬君處
亂蟬衰草夕陽斜

岑參四首

題苜蓿峯寄家人

苜蓿峯邊逢立春
葫蘆橋上淚沾巾
閨中只是空相憶
不見沙場愁殺人

玉關寄長安李主簿

東去長安萬里餘
故人何惜一行書
玉關西望腸堪斷
况復明朝是歲除

逢入京使

故園東望路漫漫
雙袖龍鍾淚不乾
馬上相逢無紙筆
憑君傳語報平安

春夢

英靈
集同

洞房昨夜春風起
遙憶美人湘江水
枕上片時春夢中
行盡江南數千里

賈曾一首

有所思

宋之問害劉希夷認此詩為已作故
諸集錯見茲又刻賈曾削幾聯恐誤

洛陽城東桃李花
飛來飛去落誰家
幽閨女兒愛顏色
坐見落花長歎息
今歲花開君不待
明年花開復誰在
故人不共洛陽東
今來空對落花風
年年歲歲花相似

歲歲年年人不同

許渾二十首

金谷園桃花

花在舞樓空
年年一度紅
淚光停曉露
愁態倚春風
開日妾先死
落時君亦終
東流兩三片
應到夜泉中

洛陽道中

洛陽多舊跡
一日幾堪愁
風起林花晚
月明宮樹秋
興亡不可問
自古水東流

塞下曲

夜戰桑乾雪秦兵半不歸朝來有鄉信猶自寄征衣

放猿

殷懃解金鎖別夜雨淒淒山淺憶巫峽水寒思建溪遠
尋紅樹宿深入白雲啼好覓南歸路煙蘿更莫迷

郊園秋日寄洛中友人

楚水西來天際流感時傷別思悠悠一尊酒盡青山莫
萬里書迴碧樹秋日落遠波驚宿雁風吹輕浪起眠鷗

嵩陽親友如相問潘岳閒居欲白頭

南樓春望

南樓春一望雲水共昏昏野店歸山路危橋帶郭村暗
煙和草色夜雨漲溪痕下岸誰家住殘陽半掩門

潁州從事西湖亭讌餞

西湖清讌不知回一曲離歌酒一盃城帶夕陽聞鼓角
寺臨秋水見樓臺蘭堂客散蟬猶噪桂楫人稀鳥自來
獨想征帆去鞏洛此中霜菊繞潭開

南遊泊船江驛

一作泊
松江渡

漠漠故宮地月涼雲水幽
雞鳴荒戍曉雁過古城秋
楊柳北歸路蒹葭南渡舟
去鄉今已遠更上望京樓

題段太尉廟

靜想追兵緩翠華古碑荒廟閉
松花紀生不向滎陽死
豈有山河屬漢家

寓懷

南國浣紗伴盈盈天下姝
盤金明繡帶動珮響羅襦素

手怨瑤瑟清心悲玉壺春花坐搖落爭忍嫁狂夫

一云未忍

泣藤
燕

題潼關西蘭若

來往幾經過前山枕大河遠帆春水濶高寺夕陽多蝶
影下紅藥鳥聲喧綠蘿故山歸未得徒咏採薇歌

虞元長者永興公之後工書屬文近從軍河中

奉使宣歙因贈

一作贈河
東虞押衙

吳門風水各萍流月滿花開嬾獨遊萬里山川分曉夢

四鄰歌管送春愁昔年顧我長青眼今日逢君已白頭
莫向尊前悲易水古來投筆盡封侯

凌歌臺

當塗縣西宋高祖墓今太平州

宋祖凌歌樂未回三千歌舞宿層臺湘潭雲盡莫煙出
巴蜀雪消春水來行殿有基荒薺合寢園無主野棠開
百年便作萬年計岩畔古碑空綠苔

咸陽城西樓晚眺

一上高城萬里愁蒹葭楊柳似汀洲溪雲初起日沈閣

山雨欲來風滿樓，鳥下綠蕪秦苑夕。
蟬鳴黃葉漢宮秋，行人莫問當年事。
故國東來渭水流。

姑熟官舍

草生官舍似閒居，雪照南窗滿素書。
負後始知為吏拙，病來還喜識人疎。
青雲豈有窺梁燕，濁水應無避釣魚。
不待秋風便歸去，紫陽山下是吾廬。

凌歊臺送韋秀才

雲起高臺日未沈，數村殘照半巖陰。
野蠶成繭桑柘盡。

溪鳥引雛蒲稗深帆勢依依投極浦鐘聲杳杳隔前林
故山迢遶故人去一夜月明千里心

南庭夜坐貽開元禪定二道者

莫莫焚香何處宿西巘一室暝踈藤光陰難駐跡如客
寒暑不驚心是僧高樹有風聞夜磬遠山無月見秋燈
身閒境靜日為樂若問其餘非我能

秋日早朝

宵衣應待絕更籌環珮鏘鏘月下樓井轉轆轤千樹曉

鎖開閭闔萬山秋
龍旛盡列趨金殿
雉扇纔分拜玉旒
虛戴鐵冠無一事
滄江歸去老漁舟

題勤尊師歷陽山居

并序

師即思齊之孫
頃為故相國蕭公錄用
相國致政尊師亦自邊將
入道因贈是詩

三十知兵在羽林
中年潛識子房心
蒼鷹出塞邊塵滅
白鶴還鄉楚水深
春坼酒瓶浮藥氣
晚攜碁局帶松陰
雞籠山上雲多處
自劄黃精不可尋

淮陰阻風寄楚州韋中丞

垂釣京江欲白頭，江魚堪釣却西遊。
劉伶臺下稻花晚，韓信廟前楓葉秋。
淮月未明先倚檻，海雲初起更維舟。
河橋有酒無人醉，獨上高城望庾樓。

油蔚一首

贈別營妓卿卿

時為淮南幙
職奉使塞北

憐君無那是多情，枕上相看直到明。
日照綠窗人去住，鴉題紅粉淚從橫。
愁腸只向金閨斷，白髮應從玉塞生。

為報花時少惆悵此生終不負卿卿

張祜 六首

觀杭州柘枝

舞停歌罷鼓連催軟骨纖蛾暫起來紅罨畫衫纏腕出
碧排方胯背腰闕旁收拍拍金鈴擺却踏聲聲錦袴推
看著遍頭香袖摺粉屏香帕又重隈

周員外出雙舞柘枝妓

畫鼓拖環錦臂攘小娥雙換舞衣裳金絲感霧紅衫薄

銀蔓垂花紫帶長
鸞影乍迴頭並舉
鳳聲初歇翅齊張
一時折腕招殘拍
斜斂輕身拜玉郎

觀楊瑗柘枝

促學蠻鼉引柘枝
卷簷虛帽帶交垂
紫羅衫宛蹲身處
紅錦靴柔踏節時
微動翠蛾拋舊態
緩遮檀口唱新詞
看看舞罷輕雲起
却赴襄王夢裏期

感王將軍柘枝妓歿

寂寞春風舊柘枝
美人休舞曲停吹
鴛鴦鈿帶拋何處

孔雀羅衫付阿誰
畫鼓不聞招節拍
錦靴虛想挫腰肢
今來座上翻如醉
曾見梨園教徹時

貴家郎

二十便封侯名居第一
流綠鬋深小院清管下
高樓醉把金船擲
閒敲玉鐙遊帶盤紅
鬚鼠袍研紫犀牛碧
瓦坊牆上朱橋柳巷
頭眼前長少貴邛信
有春愁

病宮人

或重見第九卷
作表不約今刪

佳人卧病動經秋
簾幕縵繆不挂鉤
四體強扶藤夾膝

雙鬢慵插玉搔頭
花顏有幸君王問
藥餌無徵待詔愁
惆悵近來銷瘦盡
波珠時傍枕函流

來鵬二首

宛陵送李明府罷任歸江州

菊花村晚雁來天
共把離盃向水邊
官滿便尋垂釣侶
家貧已用賣琴錢
浪生盆浦千層雪
雲起爐峯一炷煙
儻見吾鄉舊知己
為言憔悴過新年

清明日與友人遊玉塘莊

幾宿春山逐陸郎
清明時節好風光
歸穿綠荇船頭滑
醉踏殘花屐齒香
風急嶺雲飄迥野
雨餘田水落方塘
不堪吟罷東回首
滿耳蛙聲正夕陽

施肩吾 四首

夜宴曲

蘭缸如畫買不眠
玉堂夜起沈香煙
青娥一行十二仙
欲笑不笑桃花燃
碧窗弄嬌梳洗晚
戶外不知銀漢轉
被郎嗔罰瑠璃盞
酒入四肢紅玉軟

效古詞

姊妹無多兄弟少舉家鍾愛年最小有時繞樹山鵲飛
貪看不待畫眉了

山中得劉秀才京書

自笑家貧客到踈滿庭煙草不能鋤今朝誰料三千里
忽得劉京一紙書

望夫詞

手藝寒燈向影頻回文機上暗生塵自家夫婿無消息

却恨橋頭賣卜人

劉得仁一首

悲老宮人

白髮宮娃不解悲
滿頭猶自插花枝
曾緣玉貌君王寵
準擬人看似舊時

高軒四首

步虛詞

清溪道士人不識
上天下地鶴一隻
洞門深鎖碧窗寒

滴露研硃點周易

寫懷

漁竿消日酒消愁一醉忘情萬事休却恨韓彭興漢室
功成不向五湖遊

又

花滿西園月滿池笙歌搖曳畫船移如今暗與心相約
不動征旗動酒旗

風箏

夜靜絃聲響碧空宮商信任往來風依稀似曲纔堪聽
又被風吹別調中

李端一首

代棄婦答賈客

一刻妾
薄命

五壘城邊爭走馬銅堤寺裏共乘舟鳴環動珮恩能盡
掩袖低巾淚不流疇昔將歌邀客醉如今欲舞對君羞
忍懷賤妾平生曲獨上襄陽舊酒樓

趙嘏十一首

長安秋望

雲物淒清拂曙流，漢家宮闕動高秋。
殘星幾點雁橫塞，長笛一聲人倚樓。
紫艷半開籬菊靜，紅衣落盡渚蓮愁。
鱸魚正美不歸去，空戴南冠學楚囚。

長安月夜與友生話故人

宅邊秋水浸苔磯，日日持竿去不歸。
楊柳風多潮未落，蒹葭霜在雁初飛。
重嘶匹馬吟紅葉，却聽疎鐘憶翠微。
今夜秦城滿樓月，故人相見一沾衣。

汾上宴別

雲物如故鄉山川知異路年來未歸客馬上春色莫一
尊花下酒殘日水西樹不待管絃終搖鞭背花去

曲江春望懷江南故人

杜若洲邊人未歸水寒煙暖想柴扉故園何處風吹柳
一雁南來雪滿衣目極思隨原草遍浪高書到海門稀
此時愁望情多少萬里春流遶釣磯

自遣

晚樹疎蟬起別愁
遠人回首憶滄洲
江連故國無窮恨
日帶殘雲一片秋
久客轉諳時態薄
多情只為酒淹留
到頭生長煙霞者
須向煙霞老始休

新月

玉鈎斜傍畫簷生
雲匣初開一寸明
何事最能傷少婦
夜來依約落邊城

東望

楚江橫在草堂前
楊柳洲邊載酒船
兩見梨花歸不得

每逢寒食一潸然，斜陽暝閣山當寺。
微綠含風樹滿川，同郡故人攀桂盡。
把詩吟向沈寥天。

寄歸

三年踏盡化衣塵，只見長戈不見春。
馬過雪街天未曙，客迷關路淚空頻。
桃花塢接啼猿寺，野竹亭通畫鷁津。
早晚相酬身事了，水邊歸去一閒人。

寒食新豐別友人

一百五日家未歸，新豐雞犬獨依依。
滿樓春色傍人醉。

半夜雨聲前計非繚繞溝塍含綠晚荒涼樹石向川微
東風吹波對花落顛顛故交相見稀

感懷

一刻江樓舊感

獨上江樓思渺然月光如水水如天同來望月人何處
風景依稀似去年

茅山道中

煙樹重重水亂流馬嘶殘雨晚程秋門前便是仙山路
目送歸鴻不得遊

朱絳一首

春女怨

獨坐紗窗刺繡遲
紫荆花下嘯黃鸝
欲知無限傷春意
盡在停針不語時

姚倫一首

感秋

中興集作
感秋林

試向疎林望方知
節候殊亂聲千葉
下寒影一巢孤不
蔽秋天雁驚飛夜
月烏霜風與春日
幾度遣榮枯

中興
集疎

作東知
作悲

劉方平二首

秋夜泛舟

御覽詩無
秋夜二字

林塘夜泛舟
蟲響荻颼颼
萬影皆因月
千聲各為秋
歲華空復晚
鄉思不勝愁
西北浮雲外
伊川何處流

御覽
詩泛

作發勝
作堪

春怨

紗窗日落漸黃昏
金屋無人見淚痕
寂寞閒庭春欲晚

梨花滿院不開門

御覽詩開作空
院作地開作闕

陳羽一首

長安卧病秋夜言懷

九重門鎖禁城秋
月過南宮漸暝樓
紫陌夜深槐露滴
碧空雲盡火星流
風清刻漏傳三殿
甲第歌鐘樂五侯
楚客病來鄉思苦
寂寥燈下不勝愁

薛能 三首

游嘉州後溪

山屐經過滿逕蹤
隔溪遙見夕陽春
當時諸葛成何事
只合終身作卧龍

老圃堂

邵平瓜地接吾廬
穀雨乾時偶自鋤
昨日春風欺不在
就床吹落讀殘書

銅雀臺

魏帝當時銅雀臺
黃花深映棘叢開
人生富貴須回首
此地豈無歌舞來

李郢一首

江上逢王將軍

虬髯憔悴羽林郎，曾入甘泉侍武皇。
鵬沒夜雲知御苑，馬隨春仗識天香。
五湖歸去孤舟月，六國平來兩鬢霜。
惟有桓伊江上笛，卧吹三弄送殘陽。

薛逢二首

開元後樂

莫奏開元舊樂章，樂中高曲斷人腸。
邠王玉笛三更咽

號國金車十里香一自犬戎生薊北便從征戰老汾陽
中原駿馬搜求盡沙苑年來草又芳

漢武宮詞

武帝清齋夜築壇自斟明水醮仙官殿前童女移香案
庭際金人捧露盤絳節有時還入夢碧桃何處更驂鸞
茂陵煙雨埋冠劍石馬無聲蔓草寒

崔塗

一首或不
載姓名

讀庾信集

四朝十帝盡風流
建業長安兩醉遊
唯有一篇楊柳曲
江南江北為君愁

項斯一首

蒼梧雲氣

何年化作愁
漠漠便難收
數點山能遠
平鋪水不流
濕連湘竹莫濃葢
舜墳秋亦有思歸客
看來盡白頭

崔尚一首

江上書懷

骨肉天涯別江山日落時
淚流襟上血髮白鏡中絲
吳越書難到存亡夢豈知
登高回首處形影自相隨

李宣遠 一首

塞下作

御覽
集同

秋日并州路黃榆落故關
孤城吹角罷數騎射鵬還
帳幙遙臨水牛羊自下山
征人正垂淚烽火照雲間

陶翰 二首

古塞下曲

進軍飛狐北窮寇勢將變日落沙塵昏背河更一戰駿
馬黃金勒雕弓白羽箭射殺左賢王歸奏未央殿欲言
塞下事天子不召見西出咸陽門哀淚如霰

新安江林

江源南去永野飯暫維梢古戍懸漁網空林露鳥巢雪
晴山脊見沙淺浪痕交自笑無謀者逢人作解嘲

溫憲三首

春鳩

村南微雨新平綠
淨無塵散睡柔條
煖閒鳴屋脊春遠
聞和曉夢相應在
諸鄰行樂花時節
追飛見亦頻

郊居

村前村後樹寓賞
有餘情青麥路初
斷紫花田未畊雞
聲聞不到山勢望
猶橫寂寞春風裏
吟酣信馬行

杏花

團雪上晴梢紅明
暎碧窳店香風起
夜村白雨休朝靜
落猶和蒂繁開正
蔽條澹然閒賞久
無以破妖嬈

李頻六首

湖口送友人

中流欲莫見湘煙葦岸無窮接楚天去雁遠衝雲夢雪
離人獨上洞庭船風波盡日依山轉星漢通宵向水連
零落梅花過殘臘故園歸去醉新年

送友人往太原

離亭聊把酒此路徹邊頭草白雁來盡時清人去遊汾
河流晉地塞雪滿并州明日相思起蕭條上北樓

集作別後

相思夜遙
看北斗愁

寄遠

槐欲成陰分袂時君期十日復金扉槐今落葉已將盡
君向遠鄉猶未歸化石早曾聞節婦沈湘何必獨靈妃
須知此意同生死不學他人空寄衣

鄂州頭陀寺上方

高寺上方無不見天涯行客思迢迢西江帆挂東風急
夏口城銜楚塞遙沙渚漁歸多濕網桑林蠶後盡空條

感時歎物尋僧話
惟向禪心得寂寥

辭夏口崔尚書

一飯仍難受淹留已半年
終期身可報不擬骨空鐫
城晚風高角江春浪起船
同來棲止地獨去塞鴻前

古意

白馬遊何處青樓日正長
鳳簫拋舊曲鸞鏡嬾新粧
元鳥空巢語飛花入戶香
雖非竇滔婦錦字已成章

王駕一首

古意

夫戍蕭關妾在吳
西風吹妾妾憂夫
一行書信千行淚
寒到君邊衣到無

于鵠三首

送客遊塞

若到并州北
誰人不憶家
塞深無去伴
路盡有平沙
磧冷唯逢雁
天春不見花
莫隨邊將意
垂老事輕車

江南曲

偶向江邊採白蘋還隨女伴賽江神衆中不敢分明語
暗擲金錢卜遠人

題美人

舊刻韋蘇州集中

秦女窺人不解羞攀花趁蝶出牆頭胸前空帶宜男草
嫁得蕭郎愛遠遊

徐寅一首

初夏戲題

長養薰風拂曉吹漸開荷芰落薔薇青蟲也學莊周夢

化作南園蛺蝶飛

才調集卷七

欽定四庫全書

才調集卷八目錄

羅隱 十七首

偶懷

桃花

中元夜泊淮口

西上

梅花

登夏州城樓

曲江春感

西川與蔡十九同別子超

春日獨遊禪智寺

綿谷迴寄蔡氏昆仲

憶夏口

龍丘東下却寄孫員外

金陵夜泊

寄前宣州竇尚書

牡丹

柳

煬帝陵

李頎 一首

放歌行畚從弟墨卿

崔顥 一首

黃鶴樓

于武陵九首

夜與故人別

洛陽道中

別友人

寄北客

洛陽晴望

東門路

長信愁

感懷

勸酒

李涉一首

山中

戎昱四首

中秋感懷

聞笛

客堂秋夕

霽雪

韓琮 六首

春愁

莫春澹水送別

駱谷晚望

公子行

二月二日遊洛源

題商山店

李德裕 一首

長安秋夜

高蟾 二首

下第後上永崇高侍郎

金陵晚眺

高適 二首

封丘縣

九月九日酬顧少府

朱慶餘 一首

宮詞

曹松

三首

春日長安書事

九江莫春書事

古塚

錢起

一首

闕下贈裴舍人

羅鄴九首

牡丹

巴南旅舍言懷

下第呈友人

登凌歊臺

下第

東歸

僕射陂晚望

芳草

聞子規

章碣一首

焚書坑

李益一首

同崔邠登鶴雀樓

王昌齡 三首

長信秋詞

採蓮

閨怨

李嘉祐
四首

送嚴員外

赴南中留別褚少府湖上林亭

送陸澧還吳中

送王牧往吉州謁王使君

鄭準
四首

代寄邊人

題宛陵北樓

雲

寄進士崔魯範

祖詠一首

七夕

吉師老四首

題春夢秋歸故里

看蜀女轉昭君變

放猿

鴛鴦

盧弼

七首

薄命妾

聞雁

秋夕寓居精舍書事

和李秀才邊庭四時怨四首

竇鞏 一首

寄南遊兄弟

韓偓 五首

小隱

贈易卜崔江處士

殘春旅舍

夜深

寄鄰莊道侶

杜荀鶴 八首

春宮怨

經九華費徵君墓

冬末同友人泛瀟湘

山中寄詩友

溪興

馬上行

春日山居寄先達

旅館過雨

張喬 二首

荆楚道中

題終南山白鶴觀

崔魯 一首

莫春對花

欽定四庫全書

才調集卷八

唐 韋穀 撰

羅隱 十七首

偶懷

白丁攘臂犯長安
翠輦蒼黃路屈盤
丹鳳有懷雲外遠
玉龍無主渡頭寒
靜思貴族謀身易
危覺文皇創業難
不將不侯何計是
釣魚船上淚闌干

桃花

暖觸衣襟漠漠香間梅遮柳不勝芳數枝豔拂文君酒
半里紅敲宋玉牆盡日無人疑悵望有時經雨乍淒涼
舊山山下還如此回首東風一斷腸

中元夜泊淮口

木葉迎颼水面平偶停孤棹已三更秋涼霧露侵燈下
夜靜魚龍逼岸行敲枕正牽題柱思隔樓誰轉遶梁聲
錦帆天子狂魂魄應過揚州看月明

西上

或刻
所思

西上青雲未有期，東浮滄海一何遲。
酒闌夢覺不稱意，花落月明空所思。
長恐病侵多事日，可堪貧過少年時。
鬪雞走狗五陵道，惆悵輸他輕薄兒。

梅花

吳王醉處十餘里，照野拂衣今正繁。
經雨不隨山鳥散，倚風疑共路人言。
愁憐粉豔飄歌席，靜愛寒香撲酒尊。
欲寄所思無好信，為君惆悵又黃昏。

登夏州城樓

寒聲獵獵戍旗風，獨倚危欄悵望中。
萬里山川唐土地，千年魂魄晉英雄。
離心不忍聽邊馬，往事應須問塞鴻。
好脫儒冠從校尉，一枝長戟六鈞弓。

曲江春感

江頭日暖花又開，江東行客心悠哉。
高陽酒徒半凋落，終南山色空崔嵬。
聖代也知無棄物，侯門未必用非才。
一船明月一竿竹，家在五湖歸去來。

西川與蔡十九同別子超

相歡雖則不多時，相別那能不斂眉。
蜀客賦高君解愛，楚宮腰細我還知。
百年恩愛無終始，萬里因緣有夢思。
腸斷門前舊行處，不堪全屬五陵兒。

春日獨遊禪智寺

遠樹連天水，接空幾年行。
樂舊隋宮花，開花謝長如此。
人去人來自不同，楚鳳調高何處酒。
吳牛蹄健滿車風，思量只合騰騰醉。
煮海平陳一夢中。

綿谷迴寄蔡氏昆仲

一年兩度錦城遊前值東風後值秋芳草有情皆礙馬
好雲無處不遮樓山將別恨和心斷水帶離聲入夢流
今日因君試回首澹煙喬木隔綿州

憶夏口

漢陽渡口蘭為舟漢陽城下多酒樓芳年不得盡一醉
別夢有時還重遊襟帶可憐吞塞雁風煙只好狎江鷗
月明更想曾行處吹笛橋邊木葉秋

龍丘東下却寄孫員外

穀江東下幾多程每泊孤舟即有情
山色已隨遊子遠水紋猶認主人清
恩如海岳何時報恨似煙花觸處生
百尺風帆兩行淚不堪迴首望崢嶸

金陵夜泊

冷煙輕雨傍衰叢此夕秦淮駐斷蓬
栖雁遠驚沽酒火亂鴉高避落帆風
地銷王氣波聲急山帶秋陰樹影空
六代精靈人不見思量應在月明中

寄前宣州竇尚書

一作
常侍

往年西謁謝玄暉尊酒留歡醉始歸曲檻柳濃鶯未老
小園花嫩蝶初飛噴香瑞獸金三尺舞雪佳人玉一圍
今日亂離尋不得滿袞風雨釣魚磯

牡丹

本集
不同

豔多煙重欲開難紅蕊當心一抹檀公子醉歸燈下見
美人朝插鏡中看當庭始覺春風貴帶雨方知國色寒
日晚更將何所似太真無力凭闌干

柳

灞岸晴來送別頻，
相偎相倚不勝春。
自家飛絮猶無定，
爭解垂絲絆路人。

煬帝陵

入郭登橋出郭船，
紅樓日日柳年年。
君王忍把平陳業，
只博雷塘數畝田。

李頎 一首

放歌行 畲從弟墨卿

小來好文恥學武，
世上功名不解取。
雖沾寸祿已後時，

徒欲出身事明主柏梁賦詩不及宴長楸走馬誰相數
斂迹俛眉心自甘高歌擊節聲半苦由是蹉跎一老夫
養雞牧豕東城隅空歌漢代蕭相國肯事霍家馮子都
徒爾當年聲籍籍濫作詞林兩京客故人斗酒安陵橋
黃鳥春風洛陽陌吾家令弟才不羈五言破的人共推
興來逸氣如濤湧千里長江歸海時別離短景何蕭索
佳句相思能間作舉頭遙望魯陽山木葉紛紛向人落

崔顥 一首

黃鶴樓

黃鶴乃人名也
靈集國秀集小異

英

昔人已乘白雲去
此地空餘黃鶴樓
黃鶴一去不復返
白雲千載空悠悠
晴川歷歷漢陽樹
春草萋萋鸚鵡洲
日莫鄉關何處是
煙波江上使人愁

于武陵

九首

夜與故人別

白日去難駐
故人非舊容
今宵一別後
何處更相逢
過楚水千里到秦山
幾重話來天未曉
月落滿城鐘

洛陽道中

浮世若浮雲千迴故復新
旋添青草冢更有白頭人
歲暮容將老雪晴山欲春
行行車馬客不盡洛陽塵

別友人

行子與秋葉各隨南北風
雖非千里別還阻一宵同
過盡少年日尚如長路蓬
猶為布衣客羞入故關中

寄北客

窮邊足風慘何處醉樓臺
家去數千里月圓十二迴
寒

山隨日遠雪路向城開
游子久無信年年空雁來

洛陽晴望

九陌盡風塵
囂囂晝復昏
古今人不斷
南北路長存
葉落上陽樹
草衰金谷園
亂鴉歸未已
斜日半前軒

東門路

東門車馬路
此路在浮沈
白日不西落
紅塵應更深
從來名利地
皆起是非心
所以青青草
年年生漢陰

長信愁

簾涼秋夜初長信恨何如拂黛月生指理髮雲滿梳一
從悲畫扇幾度泣前魚坐聽南宮樂清風搖翠裾

感懷

或刻有感

青山長寂寞南望獨高歌四海故人盡九原新壠多西
沈浮世日東注逝川波不使年華駐此生看幾何

勸酒

勸君金屈卮滿酌不須辭花發多風雨人生足別離

李涉一首

山中

無奈牧童何放牛喫我竹隔林呼不應叫笑如生鹿欲
報田舍翁更深不歸屋

戎昱 四首

中秋感懷

八月更漏長愁人起常早閉門寂無事滿院生秋草昨
宵北窗夢夢入荆南道遠客歸去來在家貧亦好

聞笛

入夜思歸切笛聲寒更哀愁人不願聽自到枕前來風
起塞雲斷夜深關月開平明獨惆悵飛盡一庭梅

客堂秋夕

隔窗螢影滅復流北風微雨虛堂秋蟲聲竟夜引鄉淚
蟋蟀何知人自愁四時不得一日樂以此方知客游惡
寂寂江城無所聞梧桐葉上偏蕭索

霽雪

風捲寒雲莫雪晴江煙洗盡柳條輕簷前數片無人掃

又得書窗一夜明

韓琮 六首

春愁

金烏長飛玉兔走青鬢長青古無有秦娥十六語如絃
未解貪花惜楊柳吳魚嶺雁無消息水誓蘭情別來久
勸君年少莫遊春煖風遲日濃於酒

莫春澁水送別

綠暗紅稀出鳳城莫雲樓閣古今情行人莫聽宮前水

流盡年光是此聲

駱谷晚望

秦川如畫渭如絲去國還家一望時公子王孫莫來好
嶺花多是斷腸枝

公子行

紫袖長衫色銀蟬半臂花帶裏盤水玉鞍繡坐雲霞別
殿承恩澤飛龍賜渥注控羅青裏轡鏤象碧熏葩意氣
傾歌舞闌珊走鈿車袖彰雲縹緲釵轉鳳欹斜珠卷迎

歸箔紅籠晃醉紗
唯無難夜日不得似仙家

二月二日遊洛源

舊苑新晴草似苔
人還香在踏青迴
今朝此地成惆悵
已後逢春更莫來

題商山店

商山驛路幾經過
未到仙娥見謝娥
紅錦機頭拋皓腕
綠雲鬟下送橫波
佯嗔阿母留賓客
暗為王孫換綺羅
碧澗門前一條水
豈知平地有天河

李德裕 一首

長安秋夜

內官傳詔問戎機，載筆金鑾夜始歸。
萬戶千門皆寂寂，月中清露點朝衣。

高蟾 二首

下第後上永崇高侍郎

天上碧桃和露種，日邊紅杏倚雲栽。
芙蓉生在秋江上，不向東風怨未開。

金陵晚眺

曾伴浮雲歸晚翠旋陪落日泛秋聲
世間無限丹青手一片傷心畫不成

高適 二首

封丘縣

英靈集刻封丘作考
本集另有封丘作

我本漁樵孟諸野一生自是悠悠者
乍事狂歌草澤中寧堪作吏風塵下
祇言小邑無所為公門百事皆有期
拜迎官長心欲碎鞭撻黎庶令人悲
歸來向家問妻子

舉家盡笑今如此生事應須南畝田世情付與東流水
夢想舊山安在哉為銜君命日遲迴乃知梅福徒為爾
轉憶陶潛歸去來

九月九日酬顧少府

英靈集
小異

簷前白日應可惜籬下黃花為誰有行子迎霜未授衣
主人得錢始沽酒蘇秦顛顛時多厭蔡澤悽惶世看醜
縱使登高祇斷腸不如獨坐空搔首

朱慶餘一首

宮詞

寂寂花時閉院門
美人相竝立瓊軒
含情欲說宮中事
鸚鵡前頭不敢言

曹松 三首

春日長安書事

浩浩看花晨六街
揚遠塵塵中一丈日
誰是晏眠人御
柳舞著水野鶯啼
破春徒云還楚計
猶自惜離秦

九江莫春書事

楊柳城初鎖歸愁不計重

集作輪蹄
息去蹤

春流無舊岸夜色

失諸峯影動漁邊火聲遲語後鐘明朝迴去雁誰向北

郊逢

古塚

代遠已難問
累累次古城
民田侵不盡
客路踏還平
作穴虵分蟄
依岡鹿遠行
唯應風雨夕
鬼火出林明

錢起一首

闕下贈裴舍人

中興集
小異

二月黃鸝飛上林春城紫禁曉陰陰長樂鐘聲花外盡
龍池柳色雨中深陽和不散窮途恨霄漢長懸捧日心
獻賦十年猶未遇羞將白髮對華簪

羅鄴 九首

牡丹

落盡春紅始著花花時比屋事豪奢買栽池館恐無地
看到子孫能幾家門倚長衢攢繡轂幄籠輕日護香霞
歌鐘滿座爭歡賞誰信流年鬢有華

已南旅舍言懷

萬浪千巖首未回無慘相倚上高臺
家山如畫不歸去客舍似讐誰遣來
紅淚罷窺連曉燭碧波休引向風盃
後時若有青雲望何事偏教羽翼摧

下第呈友人

清世誰能使陸沈相逢休作憶山吟
若教仙桂在平地更有何人肯苦心
去國漢妃還似玉亡家石氏豈無金
且安懷抱莫惆悵瑤瑟調高尊酒深

登凌歊臺

高臺今古境長閒因想興亡自慘顏四海已歸新雨露
六朝空謁舊江山槎翹獨鳥沙汀畔風遞連檣雪浪間
好是輪蹄來往便誰人不向北躋攀

下第

謾把青春酒一杯愁襟寧信酒能開江邊依舊空歸去
帝里還同不到來門掩殘陽鳴鳥雀花飛何處好池臺
此時惆悵便堪老何用人間歲月催

東歸

日日唯憂行役遲東歸可是有家歸
都緣桂玉無門住不算山川去路危
秦樹夢愁黃鳥轉吳江釣憶錦鱗肥
桃花杏豔清明近惆悵當年意盡違

僕射陂晚望

離人到此倍堪傷陂水蘆花似故鄉
身事未知何日了馬蹄唯覺到秋忙
田園牢落東歸晚道路辛勤北去長
却羨無愁是沙鳥雙雙相趁下斜陽

芳草

廢苑牆南殘雨中似袍顏色正蒙茸微香暗惹遊人步
遠綠纔分鬪雉蹤三楚渡頭長恨見五侯門外却難逢
年年縱有春風使馬跡車輪一萬重

聞子規

蜀魄千年尚怨誰聲聲啼血向花枝滿山明月東風夜
正是愁人不寐時

章碣一首

焚書坑

竹帛煙銷帝業虛
關河空鎖祖龍居
坑灰未冷山東亂
劉項元來不讀書

李益 一首

同崔邠登鶴雀樓

鶴雀樓西百尺牆
汀洲雲樹共茫茫
漢家簫鼓空流水
魏國山河半夕陽
事去千年猶恨速
愁來一日即為長
風煙併是思歸望
遠日飛春亦自傷

王昌齡 三首

長信秋詞

英靈集作長信宮
或誤作王建宮詞

奉帚平明金殿開，且將團扇共徘徊。
玉顏不及寒鴉色，猶帶昭陽日影來。

採蓮

集內作
越女

越女作桂舟，還將桂為檝。
湖上水瀰漫，清江初可涉。
摘取芙蓉花，莫摘芙蓉葉。
將歸問夫壻，顏色何如妾。

閨怨

閨中少婦不知愁，春日凝妝上翠樓。
忽見陌頭楊柳色，悔教夫壻覓封侯。

李嘉祐 四首

送嚴員外

一作吳中贈別嚴士元，或云劉長卿作。

春風倚棹闔閭城，水國春寒陰復晴。
細雨濕衣看不見，閑花落地聽無聲。
日斜江上孤帆影，草綠湖南萬里情。
君去若逢相識問，青袍今已誤儒生。

赴南中留別褚少府湖上林亭

一刻起南已留別褚少府亦見

劉長卿

集中

種田東郭傍春陂萬事無情把釣絲綠竹放侵行逕裏
青山常對卷簾時紛紛花發門空閉寂寂鶯啼日更遲
從此別君千萬里白雲流水憶佳期

送陸澧還吳中

瓜步寒潮送客揚花暮雨沾衣故鄉南望何處秋水連
天獨歸

送王牧往吉州謁王使君

中興間氣集作送王
牧吉州謁使君叔

細草綠汀洲
王孫耐薄遊
年華初冠帶
文體舊弓裘
野渡花爭發
春塘水亂流
使君憐小阮
應念倚門愁

鄭準 四首

代寄邊人

君去不來久
悠悠昏又明
寸心因卜解
殘夢過橋驚
聖澤如垂餌
沙場會息兵
涼風當為我
一一送砧聲

題宛陵北樓

雨來風靜綠
蕪鮮凭著朱
闌思浩然
人語獨耕燒
後嶺

鳥飛斜沒望中煙
松梢半露藏雲寺
灘勢橫流出浦船
若遣謝宣城不死
必應吟盡夕陽川

雲

片片飛來靜又閑
樓頭江上復山前
飄零盡日不歸去
貼破清光萬里天

寄進士崔魯範

洛陽才子舊交知
別後干戈積詠思
百戰市朝千里夢
三年風月幾篇詩
山高雁斷音書絕
谷背鶯寒變代遲

會待路寧歸去得酒樓漁浦重相期

祖詠一首

七夕

閨女求天女更闌意未闌
玉庭開粉席羅袖捧金盤
向月穿針易臨風整線難
不知誰得巧明旦試相看

吉師老四首

題春夢秋歸故里

故國歸路賒春晚在天涯
明月夜來夢碧山秋到家
開

窗聞落葉遠野見晴鴉驚起曉庭際鶯啼桃花

看蜀女轉昭君變

妖姬未著石榴裙自道家連錦水瀆檀口解知千載事
清詞堪歎九秋文翠眉嚙處楚邊月畫卷開時塞外雲
說盡綺羅當日恨昭君傳意向文君

放猿

放爾千山萬水身野泉晴樹好為鄰啼時莫向瀟湘岸
明月孤舟有旅人

鴛鴦

江島濛濛煙靄微
綠蕪深處刷毛衣
渡頭驚起一雙去
飛上文君舊錦機

盧弼七首

薄命妾

君恩已斷盡成空
追想嬌歡恨莫窮
長為舜花光曉日
誰知團扇送秋風
黃金買賦心徒切
清路飛塵信莫通
閒凭玉闌思舊事
幾回春莫泣殘紅

聞雁

秋風蕭瑟靜埃氛邊雁迎風響咽羣
瀚海應嫌霜下早
湘川偏愛草初薰蘆洲宿處依沙岸
榆塞飛時度晚雲
何處最添羈客恨竹窗殘月酒醒聞

秋夕寓居精舍書事

葉滿苔階杵滿城此中無限恨難平
疎簷看織蠅蛸網
暗隙愁聽蟋蟀聲醉卧欲拋羈客思
夢歸偏動故鄉情
覺來獨步長廊下半夜西風吹月明

和李秀才邊庭四時怨

春

春風昨夜到榆關
故國煙花想已殘
少婦不知歸不得
朝朝應上望夫山

夏

盧龍塞外草初肥
雁乳平蕪曉不飛
鄉國近來音信斷
至今猶自著寒衣

秋

八月霜飛柳遍黃
蓬根吹斷雁南翔
隴頭流水關山月
泣上龍堆望故鄉

冬

朔風吹雪透刀瘢
飲馬長城窟更寒
半夜火來知有敵
一時齊保賀蘭山

竇鞏一首

寄南遊兄弟

書來不報幾時還
知在三湘五嶺間
獨立衡門秋水闊

寒鴉飛去日銜山

韓偓 五首

小隱

借得茅齋嶽麓西擬將身世老鋤犁
清晨向市煙含郭
寒夜歸村月照溪
爐為窗明僧偶坐
松因雪折鳥驚啼
靈椿朝菌由來事
却笑莊生始欲齊

贈易卜崔江處士

白首窮經通祕義
青山養老度危時
門傳組綬身能退

家學樵漁跡更奇四海盡聞龜策妙九霄堪歎鶴書遲
壺中日月將何用借與閑人試一窺

殘春旅舍

旅舍殘春宿雨晴恍然心地憶咸京樹頭蜂抱花鬚落
池面魚吹柳絮行禪伏詩魔歸淨域酒衝愁陣出奇兵
兩梁免被塵埃污拂拭朝簪待眼明

夜深

清江碧草兩悠悠各自風流一種愁正是落花寒食雨

夜深無伴倚空樓

寄鄰莊道侶

聞說經旬不啓關
藥窗誰伴醉開顏
夜來雪壓村前竹
剩見溪南幾尺山

杜荀鶴八首

春宮怨

早被嬋娟誤欲妝
臨鏡慵承恩不在貌
教妾若為容風
煖鳥聲碎日高花影重
年年越溪女相憶採芙蓉

經九華費徵君墓

凡弔先生者多傷荆棘間不知三尺墓高却九華山天
地有何外子孫無亦閒當時若徵起未必得身還

冬末同友人泛瀟湘

殘臘泛舟何處好最多吟興是瀟湘就船買得魚偏美
踏雪沽來酒倍香猿到夜深啼嶽麓雁知春近別衡陽
與君剩採江山景裁取新詩入帝鄉

山中寄詩友

山谷正集卷八
卷八
山深長恨少同人
覽景無時不憶君
庭果自從霜後熟
野猿頻向屋邊聞
琴臨秋水彈明月
酒就東山酌白雲
仙桂算攀攀合得
平生心力盡於文

溪興

山雨溪風卷釣絲
瓦甌蓬底獨斟時
醉來睡著無人喚
流下前灘也不知

馬上行

五里復五里
住時無住時
日將家漸遠
猶恨馬行遲

春日山居寄先達

野吟何處最相宜
春景暄和好入詩
高下麥苗新雨後
淺深山色晚晴時
半巖雲脚風牽斷
平野花枝鳥踏垂
倒載干戈是何日
近來麋鹿欲相隨

旅館遇雨

集作旅懷

月華星采坐來收
嶽色江聲暗結愁
半夜燈前十年事
一時和雨到心頭

張喬二首

荆楚道中

前程曾未到歧路擬何為
返照行人急荒郊去鳥遲
春宵多旅夢夏閏遠相期
處處牽愁緒無窮是柳絲

題終南山白鶴觀

上徹煉丹峯求玄意未窮
古壇青草合往事白雲空
仙境日月外帝鄉煙霧中
人間足煩暑欲去戀清風

崔魯一首

莫春對花

病香無力被風欺
多在青苔少在枝
馬上行人莫回首
斷君腸是欲殘時



才調集卷八